

02-100 سبب لدراسة العقيدة) شرح كتاب أصول الإيمان (

علاء حامد

الحمد لله وشهاده ان لا الله الا الله وحده لا شريك له وشهاده ان محمدا عبده ورسوله صلى الله عليه وسلم. اما بعد آآ فهذا هو الدرس الاول. في مدارسة آآ العقيدة الاسلامية - 00:00:00

واخترنا ان نتدارس معا كتاب اصول الایمان. كتاب اصول الایمان كتاب رائع وماتع. آآ يعني اللي مش معه الكتاب اجده موجود بي ديه اف. على النت. كتاب اصول الایمان من أشهر الكتب المعاصرة في العقيدة. هو كتاب سهل العبارة وميسر - 00:00:20 يعني قريب واعده نخبة من العلماء الاجلاء الكرام الكبار. يعني لا يستغني عن تعلمها اي مسلم. علم علم يجب على كل مسلم ان يتعلمها. ولا يعني ليس آآ مسألة ايه؟ ممكن انسان يعني يتعلمها او - 00:00:40 ما اتعلمهاش او يزهد فيها او يعتبرها دي يعني ايه؟ زي ما البعض ايه؟ تقول له هنتعلم العقيدة. يقول له هنتعلم ايه يعني؟ نتعلم التوحيد. يقول لك عمك كلنا مسلمين - 00:01:00

هو انت هتيجي تعرفنا ربنا يعني مسلا بتابع ما كلنا بنقول لا الله الا الله وليس العقيدة لما تيجي تدرسها ان شاء الله وتعلمها تكتشف ان دي حاجات كتير قوي قوي ما كتش تعرفها وكان ينبغي انك انت تعتقدها. فعلا تفاجئ ازاي انا كنت اقابل ربنا وانا مش مستوعب العقيدة ديت - 00:01:10

او مش فاهم العقيدة ديت كوييس. كلمة العقيدة مازا تعني؟ العقيدة في اللغة هو من عقد في القلب يعني ما استقر في القلب واعتقد

القلب واطمأن اليه وسكن اليه وركن اليه ووثق - 00:01:30

فلذلك تسمى العقدة ايه؟ عقدة. لأن هي ايه؟ ارتبطت خلاص ما تتفكرش. وقال سبحانه وتعالى ولا يؤاخذكم الله باللغو في ايمانكم ولكن يؤاخذكم بما ايه؟ بما عقدتم الایمان. اعقدتم الایمان. لذلك تسمى العهود اللي - 00:01:50

هي يعني متأكدة عقود. يا ايها الذين امنوا اوفوا بالايه؟ بالعقود. يقول لك العقود هي اوثق العهود. اقوى عهد هو ليه؟ هو العقد. لأن خلاص احنا يعني اكDNA وتبتناه وما ينفعش نرجع فيه. فتسمى العقيدة عقيدة لأن هي كل شيء - 00:02:10

تمكن من القلب وانعقد فيه. والعقيدة ما في مسلم يعيش من غير ما في ما في احد يعيش من غير عقيدة كل انسان يعيش بعقيدة سواء عقيدة صحيحة او عقيدة باطلة. لكن ما فيش حد عايش ما بيعتقدش حاجة. لازم كل واحد في دماغه في اعتقاد معين. انت بتعتقد - 00:02:30

انك ستبعس. في واحد بيعتقد انه مش هيبعس. في واحد بيعتقد بوجود الله. وفي واحد بيعتقد ان ما فيش وجود لله. في واحد بيعتقد ان محمد رسول الله وفي بيعتقد ان عيسى اخر الانبياء والمرسلين يعني ما فيش حد عايش من غير عقيدة. اذا ده شيء كل الناس عندها. فازاي الانسان بيجي في وقت كده ويبيقي - 00:02:50

عارف هو نفسه بيعتقد ايه؟ ما في احد بيعيش من غير عقيدة. والعقيدة بتتأثر على فكر الناس وسلوك الناس ومعتقد الناس. الناس بص بعض ازاي بعقيدة انا بتعامل معك انت مسلم ده كافر وهو برضو بيعامل معك كده يعني احنا مش بنقص نظرية احادية الشيعي بيبيص لي ليه انا عدو ليه - 00:03:10

عشان انا سني. طب ايه الفرق بيني وبينه؟ ليه هو بيعتقدني انا عدو ليه؟ وليه انا برضو ببغضه؟ وايه السبب؟ وليه هو بيحاربني؟ ما هو دلوقتي كل اللي بيحصل حواليك في العالم هي عبارة عن تطبيقات للعقيدة. كل الناس بتطبق عقيدتها. اليهود يطبقوا عقيدة في اللي هم بيعملوه فيك - 00:03:30

الشيعة دلوقتي يطبقوا فيك عقيدة. النصارى بيطبقوا فيك عقيدة. مين اللي مش فاهم عقيدته؟ انت بقى. المسلم الوحيد اللي الشعب المفروض يعمل ايه كل واحد في العالم فاهم بي عمل ايه بالضبط. وانت التورتة بتاعتتهم اللي بياكلوها وكل واحد في عقيدته ان لازم انت تكون ضحيته سواء كان الشيعي - 00:03:50

سواء كان النصراني سواء كان اليهودي كل واحد فيهم في عقيدته ان هو لازم يتمكن منك. ينفع انت كمسلم تعيش؟ مش عارف انت بتعتقد ايه؟ انت المفروض اعمل ايه؟ طب ايه تطبيق العقيدة ده في حياتي؟ المفروض يغير في ايه؟ افهم الدنيا ازاي؟ العقيدة اللي الصحابة الكرام افروا اعمارهم - 00:04:10

من اجل نشر العقيدة دي ياتي الناس في زماننا يزهدوا في تعلمها. ما نقاش عارفين هم الصحابة دول ماتوا عشان ايه يعني؟ عشان يوصلوا لنا ايه؟ ايه هي؟ هي مجرد لا الله الا الله خلاص كده ولا فيه تفاصيل كتير الصحابة افروا اعمارهم بسبب ذلك. ده ممكن مسألة عقدية واحدة الصحابة - 00:04:30

ماتوا في سبيلها. زي مسلا علي ابن ابي طالب لما قاتل الخوارج ليه؟ عشان مسألة واحدة. مسألة في الايمان والكفر. ان الخوارج دول كفروا المسلمين وبالتالي تطبق عليه تطبيق اللي هو استباحوا دمائهم - 00:04:50

فلما استباحوا دماء المسلمين قاتلهم علي بن ابي طالب وقتلهم يوم الهروان. وكانت معركة عزيمة كل ده من اجل ايه؟ من اجل جزء في باب قضايا الايمان والكفر. مسلمين خرجن في يوم من الايام يحاربوا ناس من اجل الجزء دوت. ما ينفعش تعيش تعتقد تكفر الناس - 00:05:05

الطريقة ديت كما سنبين. فما ينفعش انك انت تبقى عايش مش عارف انت بتعتقد ايه. ده جزء ااسي في حياتك. لذلك النهارده بازن الله تعالى سنركز على هذا معنا احنا ليه المفترض ندرس العقيدة - 00:05:25

ايه اهمية الموضوع دوت؟ ممكن الموضوع ده مش هتلافقه قوي في مقدمة الكتاب. لكن خلونا نعتبر ان الدرس ده درس ايه؟ مقدمة كده. بين يدي الكتاب. احنا ليه المفترض ندرس العقيدة. السبب الاول الذي من اجله ندرس العقيدة ان اشرف العلوم على الاطلاق. بل اهم - 00:05:38

علوم في الدنيا والدين. يعني لو قلنا اشرف علم في العالم ايه؟ اشرف علم في العالم هو علم العقيدة. ليه؟ لأن شرف العلم بشرف المعلوم علم العقيدة يعرفك بماذا وبمن؟ يعرفك بالله واليوم الآخر. فشرف العلم بشرف الایه؟ المعلوم - 00:05:58

آآ طالما كان هذا العلم عن رب العزة جل وعلا وبالتالي لا شك ان هو يكون اشرف الایه؟ اشرف العلوم على الاطلاق. اشرف العلوم على الاطلاق فهو متعلق بمعرفة الله. وهو يبقى دوت الایه؟ شرف العلم قلنا بشرف المعلوم. ثم هو اول واجب - 00:06:22

هو الواجب على العبد ان يتعلم هذا الایه؟ العلم كما قال آآ يعني صاحب المنظومة سنة الوصول قال اول واجب على العبيد معرفة الرحمن بالایه بالتوحيد اذ هو من كل الامور اعظم هو نوعان. اية من يفهم؟ الشاهد يعني انه اه تطرق الى ان هذا اول واجب على العبيد - 00:06:42

جاييه منين من اول واجب على العبيد؟ من حديث معاذ بن جبل لان النبي عليه الصلاة والسلام لما آآ اليمن دخلت في دين الله سبحانه وتعالى ارسل النبي عليه الصلاة والسلام معاذ الى اهل اليمن. كان لسة في يوم نصارى يعني. كان لسة فيهم نصارى. فقال عليه الصلاة والسلام انك تقدم قوما اهل كتاب - 00:07:02

فليكن اول ما تدعوهم اليه ان يوحدوا الله. فازا عرفوا ذلك فاخبرهم ان الله افترض عليهم خمس صلوات في اليوم والليلة فاذا عرفوا ذلك فاخبرهم ان الله افترض عليهم زكاة تؤخذ من اغنيائهم ترد الى فقرائهم. تمام؟ واياك وكرايئ اموالهم واتق دعوة المظلوم فانه ليس بينهم - 00:07:22

وان الله حجاب. الحديث. النبي عليه الصلاة والسلام قال لمعاذ اول حاجة ترکز مع الناس فيها انك تعلمهم التوحيد. تعلمهم العقيدة. تقول لي طب ما هو ده بيتكلم ده رايح لناس نصارى. احنا ما لنا احنا بالموضوع دوت. احنا مسلمين يا عم الحاج؟ نقول نحن مسلمون لكننا لا نفهم العقيدة جيدا. احنا في غربة عن العقيدة - 00:07:42

انت قعدت كم درس تسمع عن العقيدة؟ قريت كم كتاب في العقيدة؟ هتلاقي انك انت كل معلوماتك هي الحاجات اللي خدتها سمعتها في الاسرة سمعتها في المدرسة شوية يعني امور هامشية او امور ضئيلة جدا بالنسبة لحجم العقيدة العظيمة التي ينبغي ان انت تتعلماها. ثم ده علم شريف علم شريف - 00:08:02

ازاي انك انت يعني ما بتنزلش وقتك في انك انت تطلبه تنصلح به السلوك وينصلح به العقيدة ينصلح به الفكر. يبقى دوت اول سبب. تاني سبب كثرة الجهل بتفاصيل العقيدة عند الناس. مع اعتقادهم انهم يفهمون في العقيدة. يعني في بيسموا ايه؟ ناس بيقولوا في جهل وفي جهل ايه - 00:08:22

مركب. الجهل انك انت تبقى مش عارف وعارف انك مش عارف جالي مركب انك انت مش عارف ومتخيل انك انت ايه عارف كل حاجة لو ان انا سألنا مسلا واحد يقول لك مسلا ايه تعال نتعلم توحيد يعني ايه توحيد يا عم الشيخ؟ يقول لك انا اتعلم ايمان بالله واليوم الآخر والملائكة والكتب يا عم واحنا عارفين الحاجات دي كلها الحمد لله - 00:08:42

عارف اسم بس لكن لو انا قلت له اشرح لي الایمان بالقدر ما معنى الایمان بالقدر ما الذي ينبغي ان اعتقد في الایمان بالقدر؟ ما هي المراتب الاربعة للایمان بالقدر - 00:09:03

هل الانسان مخير ام مسيّر؟ ام ميسّر زنا بقى وتجاويني بادلة وتفهمني وتقنعني طيب ما حكم السحر؟ حكم تعلمه ما حكم الكهانة؟ وسؤال الكهان ما حكم ذلك؟ طب فيه فرق بين اللي بيسأّل عشان يعرف اللي بيسأّل عشان يختبر اللي بيسأّل عشان يهزّر - 00:09:18

ولا ما فيش فرق بين التلاتة؟ مسائل مهمة. مازا نعتقد في الصحابة؟ ما الفرق بيتنا وبين الشيعة امور ما ينفعش ان المسلم يبقى عايش في الزمن دوت ويجهلها. فكترة جهل الناس بمسائل العقيدة. دي من الاسباب اللي تخليك انك انت لازم تعلمها - 00:09:44 لازم تتعلملي عليها عشان تحمي نفسك من الجهل دوت. وعشان تكون معلم للناس. انت هتلاقي واحد اللي لابس حزازة اللي بيحلف بغير الله. اللي بيقول كلمات مخالفة في العقيدة مين اللي هيئنقر الناس من الضلالات ديت؟ انت لما تتعلم العقيدة وتفهمها صح تبقى انت داعية الى هذه العقيدة. انت تنجز نفسك يوم - 00:10:03

وتتنزق الناس من الهاك يوم القيمة اذا فسّدت عقيدتهم وهم لا يشعرون. السبب الثالث ان الزلة العقيدة خطيرة ومهلكة. اما الزلة فيما في العبادة فالامر ايسير. يعني الغلطنة في العقيدة مشكلتها كده واحد مسلا ربنا قال عن قوم قال - 00:10:23

قل من كان عدوا لجبريل فانه نزله على قلبك باذن الله مصدقا لما بين يديه وهدى وبشرى للمؤمنين من كان عدوا لله وملائكته ورسله وجبريل وميكائيل فان الله عدو للكافرين. ربنا كفر بس اللي عدى مين؟ جبريل. لو واحد يعتقد كل حاجة - 00:10:53

في الدين ص. حتى بيعتقد ان محمد رسول الله. بس يعادي جبريل فهو كافر بالله جل وعلا. مسألة واحدة فقط في العقيدة ممكن ان هي تطلعك من الدين بالكلية. تمام؟ واحد بيعتقد كل حاجة تمام في الدين بس بيعتقد ان فلان يعلم الغيب فقط. حاجة واحدة بس بيعتقدوها - 00:11:13

في الدين. ان في الشخص الفلاني ده بيعرف الغيب. بس. خلاص هذا اعتقاد هذا الشخص ده ايه؟ كافر بالله سبحانه وتعالى. واحد بيعتقد كل حاجة في الدين صح بس اعتقد ان الرجل اللي في القبر دوت يجيب المضطر ويكشف الضر وايه؟ ويجلب النفع وكل دوت. وبالتالي بيسأّل وبيدعوك - 00:11:33

هذا ايضاً كفر بالله سبحانه وتعالى. مسائل العقيدة مسائل خطيرة. والغلطنة فيها صعبة. والزلة فيها صعبة. الحديث حديث اه الزبارة هو حديث هو لا ينسب الى النبي عليه الصلاة والسلام انما ينسب الى سلمان الفارسي رضي الله عنه وارضاه وهو موقف - 00:11:53

قال سلمان وقد صح موقفها هو حديث آآ ان ان سلمان يحكى ولعل سلمان يحكى عن ما قرأه في كتب اهل الكتاب يعني حكى ان رجالان دخل في قرية كانوا عاززين يعودوا فلازم عشان يعودوا على الناس ديت. فالناس دي كانت بتبعد الاصنام - 00:12:13 فجم للاتنين دول قالوا لهم ما حدش فيكم هييدي حتى تقربوا للاوثان شيئاً. فقال رجل منهم لا اقرب شيئاً قال وقرب اي شيء؟ قال

اي شيء؟ قالوا قرب ولو ذبابة. فقرب ذبابة - 00:12:33

قال سلمان فدخل النار. واول الحديث دخل رجل الجنـة في ذبابة. ودخل رجل النار في ذبابة. جه الثاني قال لهم مش هقرب شيء. قالوا له قال ولا ذبابة حد. فقتلواه فدخل الجنـة. وشوف بقى الحديث ده بيبيـن لك ايـه؟ خطورة المسـألة دـيت. واحد فيهم قال ايـه يعني - 00:12:51

عادي عادي يا عم خرب زبـابة ما فيهاـش اي مشـكلـة. فقرب الـزبـابة فدخل الجنـة والـثاني اـبـي ان يقرب الـزبـابة فـقتـل فـدخل الجنـة. زبـابة واحدة هيـشـوف حـيـاته كلـها اـتـمـسـحت بـسـبـب ايـه؟ ان هو قـرب زـبـابة الى ايـه؟ الى صـنم. فـممـكـن - 00:13:11
كل واحد فيـنا يكون جـوـة قـلـبـه اـعـتقـادـه ما يـعـرـفـشـ. طـبـ اـنـا اـعـرـفـ منـينـ اـعـتقـادـيـ سـلـيمـ ولا مشـ سـلـيمـ؟ اـتـعـلـمـ. وـبـعـدـ كـدـهـ قـارـنـ اللـيـ اـتـعـلـمـتـهـ بـالـلـيلـ. بـالـلـيـ بـتـعـتـقـدـهـ. لـقـيـتـ حاجـةـ غـلـطـ تـسـتـغـفـرـ اللـهـ وـتـصـلـحـهـ وـكـدـهـ. ما - 00:13:27

ربـنا اـزاـيـ وـاـنـتـ مشـ عـارـفـ انـكـ اـنـتـ بـتـعـتـقـدـ ايـهـ؟ يـقـيـ اـنـاـ عـاـيـزـ اـقـولـ انـ الزـلـةـ فيـ العـقـيـدـةـ مـهـلـكـةـ لـكـ الزـلـةـ فيـ العـبـادـةـ وـاـنـدـ حـتـىـ تـرـكـ آـآـاـ. صـلـاةـ تـرـكـ الخـشـوـعـ آـآـ ضـاعـ مـنـ الصـيـامـ يـوـمـ فيـ رـمـضـانـ هـذـهـ كـبـائـرـ. لـكـ لـاـ تـخـرـجـ مـنـ الاـيـهـ؟ لـاـ - 00:13:40
مـنـ المـلـةـ عـلـىـ الـاـقـلـ حـتـىـ لـوـ مـاتـ اـنـسـانـ عـلـىـ هـذـهـ حـالـةـ سـيـمـوـتـ مـسـلـمـ وـطـالـمـاـ مـاتـ مـسـلـمـ يـبـقـيـ هوـ فيـ مـشـيـئـةـ اللـهـ اـنـ شـاءـ عـزـيـهـ وـانـ شـاءـ اـسـمـهـ ايـهـ؟ غـفـرـ لـهـ. وـحـتـىـ لـوـ لـمـ يـغـفـرـ لـهـ فـمـاـلـهـ فـيـ يـوـمـ مـنـ الاـيـامـ الىـ الاـيـهـ؟ الىـ الجنـةـ. لـكـ لـوـ مـاتـ كـافـرـ - 00:13:56
ماـ لـهـاـشـ حلـ. اـنـ اللـهـ لـاـ يـغـفـرـ اـنـ يـشـرـكـ بـهـ وـيـغـفـرـ ماـ دـوـنـ ذـلـكـ لـمـنـ يـشـاءـ. السـبـبـ التـالـتـ اـنـ الزـلـةـ فيـ العـقـيـدـةـ لـيـسـتـ كـالـزـلـةـ فيـ ايـ اـمـ اـخـرـ. السـبـبـ الـرـابـعـ اـنـ الـمـخـالـفـةـ فيـ العـقـيـدـةـ قـدـ تـخـرـجـكـ مـنـ مـسـمـيـ اـهـلـ السـنـةـ وـالـجـمـاعـةـ - 00:14:14
وـدـهـ مـسـأـلـةـ خـطـيـرـةـ. مـاـ يـنـفعـشـ اـنـكـ اـنـتـ تـخـرـجـ مـنـ هـذـهـ الدـائـرـةـ دـخـلـتـ فـيـ دـائـرـةـ الفـرـقـ. وـاـزاـ دـخـلـتـ فـيـ دـائـرـةـ الفـرـقـ فـقـدـ عـرـضـتـ نـفـسـكـ لـلـجـيـحـيـمـ لـيـهـ؟ لـاـنـهـ صـحـ عـنـ النـبـيـ عـلـيـهـ الصـلـاـةـ وـالـسـلـامـ. اـنـهـ قـالـ اـفـتـرـقـتـ الـيـهـودـ عـلـىـ اـحـدـيـ وـسـبـعـيـنـ فـرـقـةـ. وـاـفـتـرـقـتـ النـصـارـىـ عـلـىـ اـثـنـيـنـ وـسـبـعـيـنـ - 00:14:34

سـبـعـيـنـ فـرـقـةـ وـسـتـفـتـرـقـ اـمـتـيـ عـلـىـ ثـلـاثـ وـسـبـعـيـنـ فـرـقـةـ كـلـهـمـ فـيـ النـارـ اـلـاـ وـاحـدـةـ. قـالـوـ وـمـنـ هـيـ ياـ رـسـوـلـ اللـهـ قـالـ هـيـ التـيـ عـلـىـ مـثـلـ ماـ اـنـاـ عـلـيـهـ الـيـوـمـ اـنـاـ وـاـيـهـ؟ وـاصـحـابـيـ. فـبـالـتـالـيـ النـبـيـ عـلـيـهـ الصـلـاـةـ وـالـسـلـامـ - 00:14:59
هـلـ كـلـ النـاسـ دـيـ كـلـ الفـرـقـ دـيـ فـيـ النـارـ مـاـ عـادـاـ وـاحـدـ بـسـ. اللـيـ هـمـ زـيـ اـنـاـ وـاصـحـابـيـ. طـبـ زـيـ وـاـنـاـ اـصـحـابـيـ فـيـ ايـهـ؟ فـيـ العـقـيـدـةـ. هـيـ كـلـ الفـرـقـ دـيـ مـخـالـفـتـهـ فـيـ الاـيـهـ - 00:15:19
الـعـقـيـدـةـ فـرـقـ دـيـ زـيـ الشـيـعـةـ وـالـمـعـتـلـةـ وـالـجـهـمـيـةـ وـالـقـدـرـيـةـ وـالـمـعـطـلـةـ وـالـدـرـوـزـ كـلـ بـقـيـ الاـيـهـ القـصـصـ دـيـ كـلـهـمـ اـسـمـاءـ يـاـ جـمـاعـةـ اـنـ شـاءـ اللـهـ لـمـ اـتـعـلـمـ مـعـيـ العـقـيـدـةـ. لـكـ كـلـ هـتـجـدـ كـلـ الفـرـقـ دـيـ اـنـمـاـ الـعـلـامـةـ الـمـمـيـزـ بـتـاعـتـهـ حاجـةـ مـخـالـفـةـ فـيـ الاـيـهـ؟ فـيـ العـقـيـدـةـ مشـ فـيـ العـبـادـةـ - 00:15:30

مشـ دـهـ حـنـبـلـيـ وـدـهـ شـافـعـيـ وـدـهـ مـالـكـيـ وـدـهـ حـنـفـيـ مـسـائـلـ الـفـقـهـ سـهـلـةـ نـخـتـلـفـ فـيـهـ مـفـيـشـ وـاحـدـ بـسـبـبـ مـسـائـلـ فـيـ الـفـقـهـ مـسـلاـ هـبـدـعـهـ اوـ التـقـوـيـمـ مـسـلاـ اـقـولـ دـهـ مـبـتـدـعـ اوـ دـهـ فـرـقـ بـسـبـبـ اـنـ هوـ مـسـلاـ بـيـقـولـ اـنـ مشـ عـارـفـ النـقـابـ سـنـةـ وـالـثـانـيـ بـيـقـولـ النـقـابـ وـاجـبـ وـدـهـ لـأـ دـهـ - 00:15:50

بـيـقـولـ دـهـ حـطـ اـيـدـكـ عـلـىـ صـدـرـكـ وـدـهـ بـيـقـولـ لـكـ لـاـ حـطـهـ عـلـىـ بـطـنـكـ. مشـ هـنـخـسـرـ بـعـضـ عـلـشـانـ ايـهـ؟ مـسـأـلـةـ فـقـهـيـةـ وـلـاـ هـنـتـسـمـيـ مـسـمـيـ تـانـيـ. هـتـفـضـلـ مـعـنـاـ فـيـ اـهـلـ السـنـةـ وـالـاـيـهـ - 00:16:10

الـجـمـاعـةـ عـادـيـ. لـكـ تـخـالـفـ فـيـ العـقـيـدـةـ تـعـتـقـدـ مـسـلاـ اـنـ اللـهـ لـاـ يـعـلـمـ مـاـ سـيـكـونـ. اـدـيـ فـرـقـةـ. تـعـتـقـدـ مـسـلاـ اـنـ الصـحـابـةـ اـدـيـ فـرـقـةـ تـعـتـقـدـ مـسـلاـ اـنـ اـهـ اـنـ اللـهـ سـبـحـانـهـ وـتـعـالـىـ لـهـ فـقـطـ سـبـعـ اـسـمـاءـ اوـ سـبـعـ صـفـاتـ. اـدـيـ فـرـقـةـ تـعـتـقـدـ مـثـلاـ - 00:16:20
اـنـ اـهـ اـنـ اللـهـ سـبـحـانـهـ وـتـعـالـىـ لـيـسـ لـهـ سـلـطـانـ عـلـىـ اـفـعـالـ الـعـبـادـ. اـدـيـ فـرـقـةـ. خـدـ بـقـيـ عـنـدـكـ كـلـ مـعـتـقـدـ تـلـاقـيـ ايـهـ؟ فـرـقـةـ. وـالـفـرـقـ مـمـكـنـ فـرـقـةـ وـاحـدـةـ تـجـمـعـ كـزـاـ مـعـتـقـدـ مـنـ الـمـعـتـقـدـاتـ الـفـاسـدـةـ. طـبـ اـنـاـ مـنـ اـهـلـ السـنـةـ وـلـاـ مـشـ اـهـلـ السـنـةـ - 00:16:39

تـعـرـفـ مـنـيـنـ؟ لـازـمـ تـعـرـفـ اـهـلـ السـنـةـ بـيـعـتـقـدـواـ ايـهـ. مـينـ اـهـلـ السـنـةـ؟ اـصـلـ الـكـلـامـ اـنـ اـهـلـ السـنـةـ هـمـ الصـحـابـةـ الـكـرـامـ رـضـيـ اللـهـ عـنـهـمـ. لـاـ دـوـلـ الـلـيـ النـبـيـ عـلـيـهـ الصـلـاـةـ وـالـسـلـامـ زـكـاـمـ وـدـخـلـهـمـ معـهـ فـيـ الـحـدـيـثـ. قـالـ هـمـ الـذـيـنـ عـلـىـ مـثـلـ مـاـ اـنـاـ عـلـيـهـ الـيـوـمـ اـنـاـ وـاصـحـابـيـ. تـمـامـ؟

فبالتالي من اعتقد معتقد الصحابة فهو من اهل السنة - 00:16:55

قطعا. واما من خالف الصحابة في المعتقد فدوت بقى ايه؟ حسب المخالفة بتاعتة. ممکن يخرج من دائرة اهل السنة والجماعة. فدي
كارسة كبيرة لانك انت اذا خرجمت من دائرة اهل السنة يبقى يبقى آآآ رينا توعد اللي يخرج من هزه الدائرة بالثار بالنار. طيب انا عايز
اعرف انا آآآ تبع الدنيا دي - 00:17:15

دي ولا مش تبعها؟ ادرس بقى معتقد الصحابة اللي احنا هندرسه في الكتاب دوت تعرف بازن الله تصح عقیدتك لغاية ما تتطابق
تماما مع اعتقاد الصحابة الكرام وبالتالي تبقى انت من الفرقه الایه؟ الفرقه الناجية. الفرقه الناجية. تمام - 00:17:35

طبعا قول النبي عليه الصلاة والسلام على مثل ما انا عليه اليوم انا واصحابي انما الكلام في الایه؟ في العقيدة ابتداء وفي العبادة
والسلوك والافكار والاخلاق لكن ليس في امور الدنيا يعني مش لازم واحد بقى يبقى زي الصحابة في اللبس اه مسلا لازم تلبس خف
زيمهم او لازم تركب جمل زيمهم. دي امور ايه؟ دي امور اه - 00:17:54

حسب الزمان والايه؟ والمكان يعني. طيب. الامر الخامس هو فرع عن الامر الرابع يعني هو انك انما تتعلم العقيدة لكي تعرف ماذا
كان يعتقد الصحابة. وده هيخلينا نتفرع الى السؤال. واشمعنى الصحابة؟ لان المسألة دي مسألة مهمة. مسألة - 00:18:15
ايه؟ مسألة ان احنا دلوقتي دي مسألة هنتطرق لها. بس هنشير اليها دلوقتي. احنا بندرس العقيدة على اساس ايه؟ ما انت بتقول لي
ما كل واحد واحد بيعتقد اعتقد له مرجعية. وكل واحد بيقول انا صح. طب ايه الدليل ان انا اللي صح؟ يعني انت دلوقتي هتقول لنا
عقيدة. تمام. ايه الدليل ان انت اللي صح - 00:18:42

مش الثنائيين اللي صح. نقول الدليل المصدر ان احنا نتحاكم لمصدر اللي يتتسق مع المصدر ده هو ده اللي عقیدته الصحيحه المسألة
مش بدماغي ولا بدماغ اي حد. طيب ايه مصادر العقيدة؟ القرآن - 00:19:02

السنة الصحيحة اجماع الامة. دي مصادر العقيدة عندنا. والعقيدة هي الامور التي كان يعتقدوها الصحابة الكرام فالذى وافق اعتقاده
اعتقاد الصحابة هو دوت اللي عقیدته سليمة. يبقى احنا بینا وبين اي حد في الدنيا دي بيعتقد اعتقداه - 00:19:17
نقول له هات كلامك عند الصحابة. نسلم لك ان اعتقادك ده سليم. لقينا عند الصحابة ان هم بينكروه او بيقولوا خلافه يبقى هذه ليست
عقيدة الاسلام. لان الصحابة كانت عقیدتهم صافية مائة بالمائة. ليه؟ لان النبي عليه الصلاة والسلام شهد - 00:19:40
لهم بذلك وشهد لهم الله وشهدوا هم لبعضهم البعض شهد ان الله جل وعلا لهم في قوله فان امنوا بمثل ما امنت به فقد اهتدوا. وان
تولى لو فانما هم في شقاق. طيب رينا بيكلم مين؟ يعني هو القرآن ده لما نزل كان مين اللي موجود ساعتها؟ الصحابة سورة البقرة
سورة - 00:20:00

مدنية. يعني بتكلم الصحابة كلهم دلوقتي مش مسلا فئة معينة في اول الاسلام. لا بتكلم كله دلوقتي. لان دي صورة مدنية. قال فان
امنوا لو الناس امنوا بمثل ما امنت به. بامانته دي بيكلم مين؟ بيكلم الصحابة. ما هو في مين ثاني قاعد؟ امنت به فقد اهتدوا. يعني
لو الناس امنت زي ايمانكم - 00:20:27

ايها الاصحاب يبقى الناس دي في هداية. يبقى دي تزكية من رب العزة لايمان مين؟ الصحابة. قوله تعالى هو الذي انزل السكينة قال
سبحانه وتعالى فانزل الله سكينته على رسوله وعلى المؤمنين. والزمهم كلمة التقوى وكانوا احق بها واهله - 00:20:47
كان الله بكل شيء عليما. فعلم ما في قلوب الصحابة فعلم ان هذه القلوب قلوب سليمة العقيدة. فزاكها من فوق سبع سماوات. يبقى
انا دلوقتي عندي تزكية من ربنا للصحابه. هو الذي انزل السكينة في قلوب هو الذي انزل السكينة على رسوله وعلى المؤمنين. مين
المؤمنين - 00:21:07

اهو الصحابة هو في حد تاني موجود دلوقتي؟ يبقى هو ده الكلام على مين؟ على الاصحاب. ادي تزكية الله لهم. طب تزكية النبي
عليه الصلاة والسلام لهم في عدة بقى مواطن - 00:21:26

كتير جدا الله الله في اصحابي. قول النبي عليه الصلاة والسلام خير الناس ايه قرني ثم الذين يلونهم ثم الذين يلونهم. ينفع يبقى خير
الناس عندهم مشكلة في العقيدة. يبقى اذا ما خلاص يبقى ما فيش حد عنده عقيدة سليمة. لو خير الناس عنده مشكلة في العقيدة

يبقى ما فيش حد في الامة كلها عنده عقيدة صحيحة الا النبي عليه الصلاة والسلام - 00:21:36
استنى بس ان هو قال خير الناس قرني. يبقى لا شك ان القرن ده هو اصح عقيدة في في التاريخ كله. فاللي يتتسق مع العقيدة اللي في التاريخ ده يبقى هو صاحب العقيدة - 00:21:56

صاحب العقيدة السليمة. وطبعا قول النبي الذي آذكرناه منذ قليل هم على مثل ما انا عليه اليوم ايه؟ انا واصحابي. واما الصحابة الكرام كانوا يذكرون بعضهم. هذا ابن مسعود رضي الله عنه وارضاه يقول ان الله نظر في قلوب العباد. فوجد قلبا محمد صلى الله عليه وسلم خير قلوب العباد فاصطفاهم واختاره للرسالة ثم نظر في قلوب العباد فوجد قلب اصحاب محمد صلى الله عليه وسلم خير العباد فاصطفاهم وجعلهم له وزراء وانصار واصهار فما رأه المسلمون حسن فهو حسن - 00:22:26

ما رأه المسلمون سينما فهو سينما. يعني بيقول المسلمين اللي هم الايه؟ الصحابة يعني. بيقول ان الصحابة يشوفوه صح هو ده الصح. واللي الحقيقة شوفوه غلط هو ده الغلط. يبقى خدتها عندك ايه؟ الصحابي يحطوا لك معيار للدين. المعيار هو فهم الصحابة. لذلك احنا بنحط العنوان ايه - 00:22:46

القرآن والسنة بفهم ايه؟ بفهم سلف الامة. ليه؟ لأن الفهم ده هو اللي هيضبطني. ما هو كل واحد معه قرآن وسنة. وكل واحد بيقول انا الدين معي الصح الشاعري والمعتزمي والشيعي والخوارج هو معه ايه غير القرآن والسنة. بس المشكلة في الايه؟ في الفهم. احنا بنقول اللي يضبط لنا - 00:23:06

العقيدة ان احنا نتفق على فهم واحد. ايه الفهم اللي ما نختلفش عليه؟ فهم الصحابة. تعال كلنا نقارن كلانا بكلام الصحابة ونشوف مينا اللي عقیدته ايه؟ اللي عقیدته سليمة. وطبعا كلمة سلف الامة هي نمرة واحد على مين؟ على الصحابة الكرام رضي الله عنهم وارضاهم. ابن عمر رضي الله عنه وارضاه يقول - 00:23:26

عن الصحابة. طبعا ابن عمر شاف كله وكان صغير ورأى كل الصحابة. واكتتر واحد له شيخوخ من الصحابة ابن عمر رضي الله عنه وارضاه. قال من كان مستنا اللي كان يقتفي اثر حد يا عيني هتقتندي بحد فليستنى بمن قد مات. فان الحي لا - 00:23:46
تؤمن عليه الفتنة او لئك اصحاب محمد صلى الله عليه وسلم. يبدو انه كان يقول هذا الكلام بعد موت كثير من اصحاب النبي عليه الصلاة والسلام. عايز يقول يعني خلیکم مع دول. دول ماتوا في سلام - 00:24:06

على العهد الاول او لئك اصحاب محمد صلى الله عليه وسلم كانوا افضل هذه الامة وابرها قلوبا واعمقها علما واقل تكلفا اختاره الله بصحبة نبيه صلى الله عليه وسلم. ولا قامة دينه فاعرفوا لهم فضلهم. واتبعوهم على اثرهم - 00:24:18

وتمسكوا بما استطعتم من اخلاقهم وسيرهم فانهم كانوا على الهدى المستقيم. يبقى ادي تزكية عالية جدا من الله ومن النبي عليه الصلاة والسلام ومن الصحابة لبعضهم البعض. يبقى انا الضابط عندي ان انا اعرف عقیدتي سليمة ولا فاسدة. ان انا اقارن ما اعتقاده بما كان عليه - 00:24:38

الرعيل الاول الصحابة الكرام. فمن وافق فهم القرآن والسنة بفهم هؤلاء فهو صاحب العقيدة السليمة. ونقول لكل احد صاحب عقيدة فاسدة الها وبرهانكم ان كنتم صادقين. يبقى ده السبب الخامس. السبب السادس ان تعلم العقيدة في الحقيقة والعمل بها - 00:24:58

هو غاية الخلق وما خلقت الجن والانسان الا ليعبدون الا ليعبدون. وقال علي ابن ابي طالب اي الا ليوحدون لان العبادة اساس الاساس فيها الايه؟ التوحيد. من مش يعبدون يعني يصلوا ويصوموا وبعد كده والعقيدة تبقى فاسدة. ليس لها - 00:25:18
قيمة اذا الصلاة ولا الصيام اذا فسدت العقيدة. لكن ليعبدون اصل الاصول يعني ليوحدون. كما قال الصحابة الكرام. السبب سابع كل اجر وفضل ذكر في الكتاب والسنة معلق على الایمان انما هو - 00:25:38

معلق على اصحاب العقيدة الصحيحة. يعني كل فضل جه في القرآن والسنة على الایمان انما المقصود بالایمان ده مين؟ الایمان الصحيح. مش ايمان وخلاص. مش اي حد بيقول انا مؤمن. مثلا قوله تعالى الذين امنوا ولم - 00:25:58

يلبسوا ايمانهم بظلم. اوئلک لهم الامن وهم مهتدون. لهم الامن في الدنيا ولهما الامن التام في الآخرة. طيب مين دول مين امنوا يعني ايه امنوا؟ امنوا بقى اللي هو الايه؟ العقيدة اللي انت هتدرسها دي. اذا كنت انت صاحب عقيدة سليمة كهזה العقيدة. فانت صاحب هذا الایمان الایه؟ النام - 00:26:17

قوله تعالى وعد الله الذين امنوا منكم وعملوا الصالحات ليستخلفنهم في الارض فاستخلفنهم الذين من قبلهم وليمكن لهم دينهم الذي ارتضى لهم ولا يبدلهم من بعد خوفهم امنا يعبدونني لا يشركون بي شيء - 00:26:37

فرينا هنا بقى الكلام ده اجر كبير جدا وعد بالتمكين وزوال الخوف والنصر على الاعداء. مين يا رب امنوا ها ما احنا مؤمنين. مش اي حد امانة طب ما الشيعة بيقول انا مؤمن طب هو واخد الوعد ده؟ الوعد تبعه؟ لا مش تبعه طبعا. تمام؟ القبور بيقول انا مؤمن. الوعد ده تبعه مش تبعه - 00:26:57

تبع ناس محددة. ايمان صحيح. طب ايه الایمان الصحيح؟ عشان كده لازم تعلم العقيدة. قوله يعبدونني لا يشركون بي شيئا. هل انت عارف الشركات واتعلمتها تعرف ايه الشرك الاصغر والشرك الافضل والفرق بينهما وانواع الشرك الافضل وانواع الشرك الاصغر - 00:27:17

هتقابل ربنا ازاي؟ تعرف ازاي انك انت من اهل الوعد دوت يبقى ايه؟ يبقى الانسان يتوجه يتتعلم الايه؟ قوله تعالى ولو ان اهل القرى امنوا واتقوا لفتحنا عليهم بركات من السماء والارض. اي ايمان يا رب؟ الایمان الذي يريده الله سبحانه وتعالى هو ايمان الصحابة الكرام. السبب - 00:27:35

الثامن ان سلامة العقيدة منقذة للغاية يوم القيمة. يعني لو ان انسان صحت عقيدته جدا مع شيء من الفساد في العمل فان صحة العقيدة تجبر هذا الفساد جبرا شديدا. جبرا شديدا - 00:27:55

الحادي المشهور حديث الایه البطاقة. حديث البطاقة جيء لله جل وعلا برجل. له تسعه وتسعين سجل من الزنوب. زنوب تسعه وتسعين سجل مد البصر فقال له رب العزة هل ظلمك كتابة الحافظون؟ قال لا يا رب. قال هل لك عندنا حسنة؟ لا تراها؟ قال لا يا رب - 00:28:15

قال بل لك عندنا حسنة. وانه لا ظلم عليك اليوم. قال اخرجوا له البطاقة. فيخرجون بطاقه عليها لا الله الا الله محمد رسول الله. فقال يا رب ما تصنع هذه البطاقة امام هذه السجلات؟ قال فتووضع البطاقة في كفة والسجلات في كفة. قال - 00:28:45

نشاط الایه؟ السجلات وهذا الرجل دخل الجنة. طبعا حديث زي تفسيرات لكن والله اعلم هذا الرجل كان يعني آآ في الاول كان عقيدته مش مش تمام وبالتالي ادى به ان هو عمل الزنوب دي كلها في اخر حياته - 00:29:05

صحح العقيدة ومات على ذلك. يعني صحت عقيدته في اخر حياته. ثم مات على ذلك ولم يتدارك التوبة من جميع الايه؟ الذنوب. فجاءت العقيدة السليمة دي ففتحت كل التاريخ الایه؟ السابق. فالانسان لو يعكس بقى لو فسدت العقيدة يبقى ايه؟ ما لوش لازمه. لو صحت العقيدة ممكن صلاح العقيدة دي يجبر لك كثير من - 00:29:21

الخلل كثير من السينات ان ربنا يحب منك العقيدة الایه؟ السليمة. اعكس الشرك يحطط العمل. اعمل بقى اللي انت عايزه. كل ده ما لوش قال سبحانه وتعالى ومثل الذين كفروا اعملهم كرماد. اشتدت به الريح في يوم عاصف - 00:29:41

لا يقدرون مما كسبوا على شيء. ذلك هو الضلال البعيد. ياه! تخيل بقى الكافر ده اللي تصدق. واللي عمل العمل خيرية وافق مع جاره واللي عمل موقف واللي بنزل المعروف واللي ازاح القماط الازى عن الطريق واللي اتجوز واحدة - 00:30:00

كل ده صفر. ليس لك عند الله اي شيء. لانك انت لم تكون مؤمن. الایمان هو البواب تخصها كل عمل يقبل. ما تخشهاش يبقى انت شغال برة. برة ما حدش ما شفنكش. ما يعرفكش. ما عملتناش حاجة - 00:30:20

زي بالزبط المصال دايما اقول للاخوة انك انت واحد زي ما بعض الناس يقول لك طب ما الراجل ده عمل كوييس طب ليه؟ هنقول لك دلوقتني. انت واحد دلوقتني قلت لواحد آآ اعمل لي شطب لي شقتي. مصال والله المثل الاعلى. قال لك - 00:30:40

شقتك دي فين؟ قلت له والله الدور السادس شايل اللي على السلم. فهو طالع الدور السادس بس بدل ما يخش الشقة اللي على السلم

دخل الشقة ليه؟ تانية. بس هادا اللي عمله بس وبعد كده اشطبها حته تشطيب ما لوش حل. ما لوش حل. وعمل مجهد رائع رهيب.

جيـت انت تحاسبـه هـتـدي لـه حاجـة - 00:30:55

لـأـ اـنتـ كـبـنيـ اـدـمـ اـدـيـ لـهـ حاجـةـ.ـ هـيـقـولـ لـكـ لـيـهـ مـاـ هوـ الشـفـلـ مـيـةـ مـيـةـ.ـ تـقـولـ لـهـ بـسـ فـيـهـ مشـكـلـةـ وـاحـدـةـ بـسـ.ـ وـاحـدـةـ بـسـ عـمـلـتـهـ غـلـطـ.ـ انـكـ

انتـ ماـ دـخـلـتـشـ الـايـهـ - 00:31:15

دخلـتـ الشـقـةـ الـلـيـ اـنـاـ قـلـتـ لـكـ عـلـيـهـ.ـ دـخـلـتـ شـقـةـ تـانـيـةـ خـالـصـ.ـ بـالـزـيـطـ كـدـهـ.ـ الـكـافـرـ شـفـالـ فـيـ حـتـهـ تـانـيـةـ.ـ شـفـالـ كـوـيـسـ.ـ بـسـ رـبـنـاـ مشـ

هيـديـ لـهـ ايـ حاجـةـ.ـ اـنـتـ مشـ هـدـيـ لـهـ حاجـةـ - 00:31:26

تصـدقـ بـقـىـ رـبـنـاـ هيـديـ الـكـافـرـ بـسـ هيـديـ لـهـ فـيـ الدـنـيـاـ.ـ كـمـ جـاءـ عـنـ النـبـيـ عـلـيـهـ الصـلـاـةـ وـالـسـلـامـ اـنـ الـكـافـرـ اـزاـ عـمـلـ حـسـنـةـ فـانـ اللـهـ تعـالـىـ

يعـطـيـهـ يـعـنـيـ فـيـ الدـنـيـاـ مـاـ وـجـمـالـ وـاـوـلـادـ - 00:31:36

حتـىـ يـوـافـيـ اللـهـ جـلـ وـعـلـاـ يـوـمـ الـقيـامـةـ وـلـيـسـ لـهـ ايـهـ؟ـ حـسـنـةـ.ـ عـشـانـ بـرـضـهـ ماـ يـتـظـلـمـشـ.ـ يـدـيـ لـهـ فـيـ الدـنـيـاـ كـلـ ماـ يـعـمـلـ خـيـرـ يـدـيـ لـهـ فـيـ

الـدـنـيـاـ.ـ يـعـمـلـ خـيـرـ يـدـيـ لـهـ فـيـ الدـنـيـاـ عـشـانـ ايـهـ؟ـ يـيـجيـ يـوـمـ الـقيـامـةـ مـاـ يـقـولـشـ - 00:31:46

اناـ اـنـزـلـتـ.ـ هـوـ مشـ منـ حـقـهـ يـاخـدـ حاجـةـ.ـ لـكـ دـهـ فـضـلـ مـنـ عـنـ رـبـنـاـ سـبـحـانـهـ وـتـعـالـىـ.ـ فـتـخـيـلـ اـنـسـانـ عـمـلـ كـلـ اوـ العـكـسـ.ـ وـاحـدـ بـقـىـ كـانـ

مـسـلـمـ فـعـلـاـ وـبـيـعـمـلـ عـمـلـ صـالـحـ - 00:31:56

وـالـعـمـلـ كـانـ مـقـبـولـ.ـ جـهـ فـيـ اـخـرـ حـيـاتـهـ عـمـلـ عـمـلـ شـرـكـيـ مـسـحـ كـلـ المـاضـيـ دـوتـ.ـ لـاـنـ اـشـرـكـتـ لـاـحـبـطـنـ اـيـهـ؟ـ عـمـلـكـ

وـلـتـكـونـ مـنـ الـخـاسـرـينـ.ـ وـمـنـ يـرـتـدـ مـنـكـمـ عـنـ دـيـنـهـ - 00:32:06

هـوـ كـافـرـ فـاوـلـكـ حـبـطـتـ اـعـمـالـ فـيـ الدـنـيـاـ وـالـاـخـرـةـ اوـلـكـ اـصـحـابـ النـارـ هـمـ فـيـهـاـ خـالـدـونـ.ـ السـبـبـ آـلـاـ العـاـشـرـ ذـكـرـنـاهـ قـلـنـاـ انـ شـرـفـ الـعـلـمـ

بـشـرـفـ الـمـعـلـومـ.ـ السـبـبـ الحـادـيـ عـشـرـ اـنـهـ كـلـمـاـ زـادـ عـلـمـكـ بـالـعـقـيـدـةـ - 00:32:20

زادـتـ خـشـيـتـكـ مـنـ اللـهـ.ـ وـهـوـ دـهـ يـعـنـيـ الـمـطـلـوبـ اـنـ تـصلـ فـيـهـ يـعـنـيـ الـعـقـيـدـةـ تـوـصـلـ مـعـكـ لـكـدـهـ الـمـطـلـوبـ اـنـ اـنـاـ اـتـلـعـمـ الـعـقـيـدـةـ عـشـانـ اـهـ

اجـادـلـ مـسـلاـ وـاـنـازـرـ وـبـقـىـ يـعـنـيـ قـلـ لـنـاـ كـلـمـتـيـنـ كـدـهـ نـطـلـعـ بـقـىـ نـخـبـطـ فـيـ الـمـلـحـدـيـنـ نـخـبـطـ فـيـ الـاـشـاعـرـةـ بـقـىـ وـنـرـd - 00:32:40

عـلـىـ طـيـبـ اـنـتـ عـمـلـتـ اـيـهـ بـقـىـ فـيـ الـعـقـيـدـةـ صـبـحـتـ مـجـادـلـ كـبـيرـ اـصـبـحـتـ مـجـرـدـ تـبـحـسـ عـنـ النـقاـشـاتـ حـافـزـ اـدـلـةـ بـسـ لـلـمـنـاظـرـاتـ.ـ اـيـنـ اـثـرـ

الـعـقـيـدـةـ فـيـكـ؟ـ هـوـ دـهـ الـمـطـلـبـ الـاـسـاسـيـ لـلـعـقـيـدـةـ وـالـاـتـبـقـىـ حـجـةـ عـلـيـكـ.ـ لـذـكـ الـاـنـسـانـ كـلـ مـاـ تـعـلـقـ - 00:33:00

اـحـکـامـ الـعـقـيـدـةـ صـحـ.ـ كـلـ مـاـ اـثـرـ فـيـ خـشـيـتـهـ فـيـ اللـهـ.ـ لـيـهـ؟ـ لـاـنـ هـوـ كـلـ مـاـ يـتـلـعـمـ الـعـقـيـدـةـ يـعـرـفـ رـبـنـاـ اـكـترـ.ـ كـلـ مـاـ

اـزـدـادـ تـعـظـيمـ لـهـ اـزـدـادـ - 00:33:18

خـشـيـةـ مـنـ سـبـحـانـهـ وـتـعـالـىـ.ـ لـذـكـ قـالـ النـبـيـ عـلـيـهـ الصـلـاـةـ وـالـسـلـامـ اـنـ اـعـلـمـكـ بـالـلـهـ وـاـشـدـكـمـ لـهـ اـيـهـ؟ـ خـشـيـةـ.ـ لـاـنـ هـوـ اـزـبـطـ اـضـبـطـ عـقـيـدـةـ دـهـ

اـقـوـىـ عـقـيـدـةـ عـلـيـهـ الصـلـاـةـ وـالـسـلـامـ فـكـانـ هـوـ الطـبـيـعـيـ اـنـ يـكـونـ صـاحـبـ الـعـقـيـدـةـ الـاقـوـىـ هـوـ اـشـدـ خـشـيـةـ مـنـ اللـهـ سـبـحـانـهـ وـتـعـالـىـ - 00:33:28

فـكـلـمـاـ اـتـلـعـمـ الـعـقـيـدـةـ سـتـتـعـرـفـ اـكـثـرـ عـلـىـ اللـهـ سـتـتـعـرـفـ اـسـمـاءـ اللـهـ الـحـسـنـيـ وـصـفـاتـهـ الـعـلـيـةـ.ـ سـتـتـعـرـفـ اـنـ اـهـلـ السـنـةـ يـثـبـتوـنـ جـمـيعـ الـاسـمـاءـ

وـالـصـفـاتـ خـلـافـاـ لـلـايـهـ؟ـ لـمـبـدـعـةـ.ـ الـمـحـرـومـيـنـ مـنـ اـسـبـاتـ الـاسـمـاءـ وـالـصـفـاتـ.ـ لـكـنـ اـهـلـ السـنـةـ يـتـمـتـعـونـ باـسـبـاتـ الـاسـمـاءـ وـالـصـفـاتـ.

فـيـعـرـفـونـ اللـهـ - 00:33:48

وـالـبـصـيرـ وـالـقـوـيـ وـالـقـدـيرـ.ـ يـعـرـفـونـ اـنـ يـحـبـ.ـ يـعـرـفـونـ اـنـ يـنـزـلـ إـلـىـ السـمـاءـ الـدـنـيـاـ فـيـ ثـلـثـ الـاخـيرـ مـنـ الـلـيلـ.ـ يـعـرـفـونـ اـنـ يـضـحـكـ

سـبـحـانـهـ وـتـعـالـىـ.ـ هـذـهـ الـاـمـورـ يـتـمـتـعـ بـهـ اـهـلـ السـنـةـ.ـ خـيرـ اـهـلـ السـنـةـ لـاـ يـعـتـقـدـونـ ذـلـكـ - 00:34:08

هـمـ مـحـرـومـونـ.ـ تـخـيـلـواـ وـاحـدـ بـيـقـوـمـ مـنـ ثـلـثـ الـلـيلـ الـاخـيرـ ثـلـثـ الـاخـيرـ مـنـ الـلـيلـ.ـ وـلـاـ يـعـتـقـدـ اـنـ اللـهـ يـنـزـلـ إـلـىـ السـمـاءـ الـدـنـيـاـ لـاـ شـكـ اـنـ اـهـلـ

الـسـنـةـ اـشـدـ يـعـنـيـ حـبـاـ لـاـ حـبـاـ مـنـ لـقـيـاـمـ الـلـيلـ.ـ لـاـنـ قـيـاـمـ الـلـيلـ عـنـهـمـ مـرـتـبـطـ بـاـيـهـ؟ـ بـعـقـيـدـةـ.ـ مـنـ دـلـوقـتـيـ - 00:34:24

رـبـنـاـ بـيـنـزـلـ إـلـىـ السـمـاءـ الـدـنـيـاـ نـزـوـلـاـ يـلـيقـ بـجـالـلـهـ.ـ يـضـحـكـ رـبـنـاـ اـهـلـ الـبـدـعـةـ لـاـ يـعـتـقـدـونـ اـنـ اللـهـ يـضـحـكـ.ـ اـمـاـ اـهـلـ السـنـةـ يـعـتـقـدـونـ اـنـ اللـهـ

يـضـحـكـ ضـحـكـ يـلـيقـ بـجـالـلـهـ.ـ كـمـ الصـحـابـيـ حـولـهـ لـتـطـبـيـقـ عـلـىـ طـوـلـ.ـ قـالـ رـبـنـاـ يـضـحـكـ.ـ قـالـ النـبـيـ عـلـيـهـ الصـلـاـةـ وـالـسـلـامـ نـعـمـ يـضـحـكـ.ـ قـالـ

لـنـ نـعـدـ خـيـرـاـ مـنـ رـبـ - 00:34:42

طالما ربنا بيضحك تبقى خير. يعني كده ان شاء الله امورنا كلها ايه؟ ان شاء الله هتبقى كويسة. طالما ربنا بيضحك. شف حول الايه؟ العقيدة لايه الواقع وايه؟ وتطبيق. يعني انا كلما زاد علمي بالعقيدة كلما ازدت خشية لله سبحانه وتعالى. السبب الثاني عشر -

00:35:02

هو النجاة من المذاهب الباطلة. التي تموح في العالم. لابد ان تعرف العقيدة الصحيحة حتى تستيقظ الخبيث من الطيب وتستطيع ان تميز الحق من الباطل. العقيدة هتتعرف كل حاجة. هتعرفك المذاهب اللي خارج دائرة الاسلام اصلا -

00:35:22

كالنصارى واليهود وهذه المذاهب هتعرفك المذاهب التي ليست دينية اصلا كالالحاد العلمانية هذه الاشياء آدي عقائد العلمانية عقيدة والالحاد نوع من انواع الايه؟ العقيدة. هتعرفك العقائد اللي داخل الاسلام. اللي داخل اسلام -

00:35:42

مین الاشاعرة؟ يعني ايه معتزلة؟ يعني ايه مرجة؟ يعني ايه خوارج؟ يعني ايه شيعة؟ يعني ايه دروز؟ يعني ايه بهرة؟ يعني ايه اسماعيلية؟ الحاجات ديت هتسمعها كتير ايه الدروز اللي بنسمع عنهم في لبنان؟ مین العلوبيين دول؟ مین النصاريين؟ يعني ايه الفرق ما بينهم؟ وايه الفرق بين ان اسنا الشيعة الاسنا على الشيعة اللي في العراق والشيعة العلوية -

00:36:02

اللي في سوريا وايه الفرق بين الدروز والعلوية وايه الفرق بين وليه هم هتفهم بقى ايه كل انا بقى تبع ايه لازم انك انت تعرف الحق تعرف الباطل كما قال الشاعر عرفت الشر لا للشر ولكن لتوقيه. ومن لا يعرف الخير من الشر يقع فيه -

00:36:22

يعني انا بعرف الشر مش انا هو مین عايز يعرف الشر يعني؟ بس اريد ان اتوقف فلازم اعرفه. ومن لا يعرف الخير من الشر يقع فيه.

واحد بيعرف الخير بس. ما يعرفش الشر -

00:36:42

حالص. هيقع في الشر. ان هو ما يعرفش غير الخير بس. لذلك كان حذيفة يقول كان الناس يسألون النبي صلى الله عليه وسلم عن الخير وكنت اسئلته عن الشر مخافة ان يدركني. مخافة فهذا من فقه حذيفة. فانت في العقيدة هتعرف الاثنين. دايما هقول لك العقيدة السليمة وهقول لك الايه؟ اهل الباطل -

00:36:52

قالوا ايه في الحنة اللي انت اه اتعلمتها ديت؟ نمرة تلاتاشر تعلم العقيدة يجعل للانسان سكينة. وهذه السكينة تنزل عليه لانه يتعلم ما يتسمق مع الفطرة التي فطر عليها هو واحد اتفطر على حاجة معينة -

00:37:12

فكل ما تتعلم عقید اهل السنة تشعر بمزيد من الايه؟ من الانساق ومن التناسق مع نفسك. تلاقي نفسك متتسق مع نفسك. لان انت حاسس ان اللي جواك هو في حاجة بتقول لك كده -

00:37:31

بس انت مش عارفها يعني انت في نداء جواك بالعقيدة السليمة. فلما بتأتي الكلمات دي بتنزل عليك تشعر بايه؟ ان هي ركبت. لما ترکب انت تسکن بقى لان الايه الفورمة المطبوعة ركبت في مكان الايه؟ المطبوع. لكن لما الفورمة تبقى غلط وتحطها في مكانها الغلط تحس ان في حاجة نaima -

00:37:44

في حاجة غلط. في حاجة غلط. تحس باضطراب. تحس بقلق بتوتر. لذلك دايما اصحاب العقيدة لا يسكنون ابدا. اسوان دايما في حاجة غلط. في نداء داخلهم هم بيسكتوه بقى. بس دايما يعيش في قلق في توتر او في اضطراب -

00:38:04

لان هو مركب حاجة غلط. مركب شكل غلط على على فطرته. لكن انت لما تعلم العقيدة يحصل لك مزيد من يعني انت شف دلوقتي انت في سكينة. تزداد السكينة هو الذي انزل السكينة في قلوب مين؟ المؤمنين. ليزدادوا ايمانا مع ايمانهم. قال ذلك ان الذين -

00:38:24

اتبعوا الباطل وان الذين امنوا اتبعوا الحق من ربهم. قال والذين امنوا وعملوا الصالحات. كفر عنهم سبائهم ايه؟ واصلاح بالهم. فصلاح البال والسكينة من تعلم العقيدة السليمة. السبب الخامس عشر ان السعادة -

00:38:44

والطمأنينة وانضباط السلوك لا يكون الا بتعلم العقيدة السليمة. لا سعادة ولا طمأنينة ولا انضباط في السلوك الا بتعلم العقيدة السليمة. يعني ايه السعادة؟ في ارتياط قوي جدا بين العقيدة والسعادة -

00:39:04

العقيدةولي والسعادة اضرب لك مثال والا فكل العقيدة تحدث لك سعادة. لكن ايمان المؤمن فقط فقط حاجتين. باليوم الآخر والقدر لو ضبطت الاثنين اه ركين الایمان دول ده قمة السعادة. خلاف الایمان بالله. طبعا الایمان بالله هو رأس السعادة -

00:39:23

لكن لمن باليوم الآخر بتحول كل شيء لسعادة. ليه؟انا مؤمن باليوم الآخر. اذا انا مؤمن ان فيه بعث. مؤمن ان فيه حساب. مؤمن ان ربنا لا يظلم. ان ربنا عدل كل الكلام - 00:39:44

انا مؤمن به. بالتالي يتتحول كل حدس الى حدس سعيد. لأن انا برميه فين على طول؟ اليوم الآخر. واحد حصل له مصيبة. تتحول عنده حدس ايه؟ سعيد. هو هيزعل طبعا انت مش انسان مش بارد يعني. انسان بيحزن ده شيء جبلي فيه. لكن مع حزنه - 00:39:54

هو ليس بشقي. فيه فرق ان انت بان انت ايه حزين وان انت شقي ان لك انت ايه؟ لك الا تجوع فيها ولا تعرى وانك لا تزمر فيها ولا تحرق. قال قال فلا يخرجكم من الجنة فايده؟ فتشقى. فالشقي هو البعيد عن الله سبحانه - 00:40:13

ومن اعرض عن ذكري فان له معيشة ضنكـا. من اتبع هداي فلا يضل ولا ايه؟ ولا يشقى. لكن الحزن وارد حزن وارد لكن لا شقاء ليه؟ - 00:40:29

الاحتساب الاحتساب يعني بتحسب فين انا؟ الدار الآخرة. طب لو انا مش معتقد ان في دار اخـرة احتسب فين؟ ما فيش احتساب. صبر. طب باصبر ليه؟ عشان آآ اقابل ربنا. يبقى انت في اعتقاد او باقابل ربنا يبقى في في ارتباط. طيب القدر ارتباطه بالسعادة ايه؟ القدر ان انا لما حصلت المصيبة دي طب - 00:40:49

الحمد لله طب طالما حصلت ايـمان كات كده ايه هتحصل واعلم ان ما اصابك لم يكن مش دي عقيدة وطالما حصلت لي بقى هي كانت مكتوبة عند ربنا خلاص بقى الحمد لله ان هي حصلت. الحمد لله ماشي في الدين - 00:41:09

وبعد كده اعتقادك في ربنا ان اسمـه الحـكيم. واسمـه العـلـيم. وان بيـدـهـ الخـيـرـ هـخـلـيـكـ تستـقـرـ خـلـاـصـ. رغمـ الحـزـنـ لـكـ بـتـكـونـ بـرـضـوـ اـيـهـ اـمـرـ بـيـهـونـ جـداـ. ذلكـ ربـناـ جـلـ شـأـنـهـ رـبـطـ بـيـنـ العـقـيـدـةـ فـيـ الـقـدـرـ وـبـيـنـ السـعـادـةـ. قالـ جـلـ وـعـلـاـ ماـ اـصـابـ منـ مـصـيـبـةـ فـيـ الـارـضـ وـلـاـ فـيـ انـفـسـكـمـ - 00:41:24

الـاـ فـيـ كـتـابـ مـنـ قـبـلـ انـ نـبـرـأـهـ انـ ذـلـكـ عـلـىـ اللـهـ يـسـيرـ. طـبـ دـهـ يـأـثـرـ عـلـيـكـ اـيـهـ؟ـ لـكـيـ لـاـ تـأـسـوـاـ عـلـىـ مـاـ فـاتـكـمـ. وـفـيـ نـفـسـ الـوقـتـ بـرـضـوـ يـضـبـطـ لـكـ السـلـوكـ فـيـ الـفـرـحـ - 00:41:44

وـلـاـ تـفـرـحـوـ بـمـاـ اـتـاـكـمـ. فـرـحـ الـلـيـ هـوـ بـقـىـ يـوـصـلـكـ التـعـوـجـ بـقـىـ وـتـتـمـنـظـرـ وـتـغـتـرـ. اـنـ جـبـتـ فـلـوـسـ يـاـ عـمـ اـقـعـدـ سـاـكـتـ. دـيـ مـكـتـوـبـةـ لـكـ اـصـلـاـ. الـفـلـوـسـ دـيـ تـعـرـفـ بـقـىـ الـفـلـوـسـ دـيـ مـكـتـوـبـةـ لـكـ مـنـ قـبـلـ مـاـ اـنـتـ اـتـوـلـدـ. يـاهـ دـيـ مـكـتـوـبـةـ لـهـ اـنـ اـنـوـلـدـ. طـبـ الـحـمـدـ لـلـهـ. دـهـ اـنـ المـفـتـرـضـ انـكـسـرـ الـلـيـلـةـ بـقـىـ. هـوـ كـانـ كـاتـ لـيـ كـدـهـ وـاـنـاـ فـيـ بـطـنـ اـمـيـ - 00:41:54

قبلـ زـلـكـ يـبـقـىـ دـهـ يـخـلـيـكـ تـتوـاضـعـ لـلـهـ. يـبـقـىـ الـفـرـحـ مـاـ اـيـهـ؟ـ مـاـ مـاـ يـطـغـاشـ مـعـكـ. وـلـاـ الحـزـنـ يـوـصـلـكـ لـلـاـيـهـ؟ـ لـلـشـقـاءـ. دـهـ مـجـرـدـ بـالـقـدـرـ بـسـ معـ الـاـيـمـانـ بـالـيـوـمـ الـاـخـرـ زـيـ ماـ قـلـتـ لـكـ تـتـحـولـ كـلـ الـاـحـدـاتـ إـلـىـ اـحـدـاتـ سـعـيـدـةـ. عـجـباـ لـاـمـرـ لـمـينـ؟ـ المؤـمـنـ اـنـ اـمـرـهـ كـلـهـ لـهـ خـيـرـ اـصـابـتـهـ - 00:42:14

ضراءـ صـبـرـ فـكـانـ خـيـرـاـ لـهـ وـاـنـ اـصـابـتـهـ السـرـاءـ شـكـرـ فـكـانـ خـيـرـاـ لـهـ وـلـيـسـ زـلـكـ لـاـحـدـ الـلـمـؤـمـنـ. يـبـقـىـ اـنـاـ اـصـحـ عـقـيـدـتـيـ اـنـاـ باـوـجـدـ فـيـ نـفـسـيـ سـعـادـةـ. وـطـمـأـنـيـنـةـ. هـذـهـ السـعـادـةـ لـيـسـ عـنـدـ الـكـافـرـينـ. تـخـيـلـ وـاـحـدـ مـشـ مـؤـمـنـ بـالـيـوـمـ الـاـخـرـ وـلـاـ بـالـقـدـرـ - 00:42:34

يـاهـ دـيـ حـاجـةـ صـعـبـةـ جـداـ. تعـيـشـ اـزاـيـ؟ـ يـعـنـيـ لـمـاـ حـدـ بـيـمـوتـ لـهـ بـيـعـتـقـدـ اـيـهـ؟ـ اـعـتـقـدـ اـنـهـ مـشـ هـيـشـوـفـهـ تـانـيـ. خـلاـصـ. مـاـشـ مـشـ هـنـتـقـابـلـ. لـكـ بـصـ بـالـالـلـيـ يـصـبـرـكـ اـزاـيـ مـاـشـ هـتـشـوـفـهـ تـانـيـ. وـاـحـدـ فـلـوـسـ رـاحـتـ خـلاـصـ هـاعـمـلـ اـيـهـ؟ـ اـنـاـ ضـعـتـ مـاـهـوـ فـيـ الـدـنـيـاـ رـاحـتـ. هـوـ مـاـ بـيـعـتـقـدـشـ فـيـ اـخـرـهـ. هـيـعـمـلـ فـيـ نـفـسـهـ اـيـهـ؟ـ يـتـتـحـرـ. لـذـلـكـ يـكـسـرـ الـاـنـتـحـارـ جـداـ فـيـ الـغـربـ. وـاـكـبـرـ نـسـبـةـ اـنـتـحـارـ هـيـ فـيـ الـمـلـحـدـيـنـ - 00:43:14

يعـنـيـ مـمـكـنـ النـصـرـانـيـ بـيـحـتـسـبـ لـهـ حـتـةـ كـدـهـ وـلـاـ بـتـاعـ. الـيـهـودـ اـيـهـ مـؤـمـنـ بـيـوـمـ اـخـرـ مـاـ يـعـنـيـ بـيـجـرـ نـفـسـهـ شـوـيـةـ. لـكـ الـمـلـحـدـ دـهـ يـاـ عـيـنـيـ مـضـبـعـ خـلاـصـ اـسـرـعـ نـاسـ تـنـتـحـرـ هـمـ الـمـلـحـدـيـنـ. لـاـنـهـ مـاـ عـنـدـهـ شـيـءـ يـبـقـىـ عـلـيـهـ. هـوـ بـيـعـتـقـدـ اـنـ الـمـوـتـ نـهـاـيـةـ الـلـامـ كـلـهـ. فـيـوـمـ مـاـ بـيـتـأـلـمـ

00:43:34 بيعمل ايه؟ بينهی الامه -

يبقى انت مختلف تماما نمرة آآ خمستاشر ان يكون هناك هدف لحياتك هدف لحياتك. ما ينفعش المسلم يعيش يا اخواني عايز ايه؟
00:43:54 يأكل ويشرب ويتجوز ويختلف ويربى يموت. ما الفرق بينك مع احترامي وبين البهائم اذا -

وما الفرق بينك وبين الكافر برضو البهيمة نفسها تأكل وتشرب وتتجوز وتختلف وتموت والكافر عايز يتتجوز ويأكل ويشرب ويموت. ما
00:44:18 الفرق بينك وبين هؤلاء؟ الفرق انك تحيا بعقيدة تدافع عنها تناوح عنها -

عش لاجلها تعمل بها. هو ده الفرق هو ده اللي خلاك انسان عند ربنا. ولقد كرمنا بني ادم حملناهم في ده الفرق بينك وبين الاله وبين
البهائم افجعل المسلمين كال مجرمين. ده الفرق بينك وبين الكافر. العقيدة السليمة. يبقى العقيدة السليمة بتجعل لك هدف راقى في
الحياة. وهدف - 00:44:36

اقصد هدف فراقي لأن ممكن تقول لي طب ما في ناس كتير عندها اهداف في الحياة. لكن مش زي هدفك انت صاحب اسمى هدف.
00:44:56 الناس اما هدفها دنيوية تنتهي بموتهم او ليس لها اجر عند الله. او اهداف اخرورية فاسدة -

كاهاداف اليهود اهاداف النصارى اهاداف الشيعة اما هدفهم ان يصدوا عن سبيل الله. وان يضلوا عباد الله وان ينشرروا البدع والفسق
والفحور العري. اما انت فصاحب عقيدة. صاحب هدف راقى جدا. انت تنقز الناس من النار. هدفك ان تخرج الناس من عبادة العبادة -
00:45:15

الى عبادة رب العباد. طب اذا كنت انت لا تعرف عبادة رب العباد. فكيف ستنتقز الناس؟ ان تخرج الناس من ضيق الدنيا الى ساعة
الدنيا والآخرة من جور الاديان الى عدل الاسلام. اذا كنت انت لا تعرف متى العدل الذي في الاسلام. استنتقز الناس من مازا؟ يبقى انا
محتاج اعرف انا بادعو لايه - 00:45:35

ايه هدفي الذي الكلمات اللي انا بقولها دي اللي قالها اللي قالها ايه؟ يعني آآ ربعي بن عامر لرستم عظيم الروم قال ما ما من الذي يعني
ما ما الذي جاء بكم؟ قال ان الله احنا اللي جايين شف بقى شف الشرف بقى بيجيب يعني ربط نفسه بالله على طول. ان الله -
00:45:55

تعسنا لنخرج العباد من عبادة العباد الى عبادة رب العباد. هدف حياتك كلها. وربيعي بن عمرو مش بيتجوز برضو ولا ايه؟ مش بيختلف
مش بيشتغل مش بيتجار ما سماش كل دي اهداف. دي حاجات لازم نعملها في حياتنا عادي ما كناش بيعملوا كده. ايه الجديد اللي انا
عملته - 00:46:15

هدف ان الله ابتعتنا لنخرج العباد من عبادة العباد الى عبادة رب العباد. ومن ضيق ومن ضيق الدنيا الى ساعة الدنيا الآخرة من جور
الاديان الى عدل الاسلام. نمرة سبعتاشر او ستاشر - 00:46:35

تعلم العقيدة لنحمي المجتمع من مخاطر رهيبة تهدهد. التكفير التشيع تنصير هذه الاشياء عقائد تهدد المجتمع الان تهديد رهيب جدا.
احنا نعاني من الويلات ديت تكفير ماذا صنع ببلادنا؟ ضرر ضخم جدا - 00:46:52

ادى الى مفاسد وقتل وتفجير وتدمير وفساد وضياع اقتصاد يعني الرجل الفقير ده السعر بيغلى بسبب التكفير احد اسبابه طبعا. والا
من اسباب كتير طبعا في زلم وفي فساد ما حدش يقول لك انت اتجاه واحد. لأ في كل حاجة لكن من من اسباب ذلك التكفير -
00:47:16

لان التكفير ادى الى اضطراب وادى الى مشاكل. ده احد الاسباب وايه الاسباب الكتير. لكن انا بقول ان ان التكفير خطير كبير
جدا. خطير كبير جدا النبي عليه الصلاة والسلام آآ سمى الخوارج كلاب اهل النار. رغم رغم انهم نسبهم للمسلمين. قال يمرقون من
الدين كما يمرق لسامنا الرمية - 00:47:36

قال يقرؤون القرآن لا يجاوز تراقيهم. انت لازم تفهم ايه التكفير ده سببه ايه؟ سببه ايه؟ التشيع ده خطير كبير جدا بيهدد بلادك وبيهدد
كل بلاد المسلمين. والآن الشيعة يعني شغالين طحن جدا في نشر التشيع. انا لما اتعلم عقيدتي السليمة افهم الناس. ممكن واحد يجي
الناس بسطا - 00:47:56

كل واحد يكلموه عن معاویة بقى ويشهووا له صورته هيصدقهم. ما بيعرفش المفروض اعتقاد ايه. يحكوا له بقى قصة اللي حصل بين الصحابة ويألفوا له شوية تأليفات وقصة التحكيم ومش قصة التحكيم ويخترعوا له اختراعات - 00:48:16

ما يعرفش هو ايه الصح يقولوا له ابو موسى الاشعري ضحك على عمرو ابن العاص زي ما كانوا بيقولوا لنا زمان وهيطلع انا بكره موسى الاشعري اقول عليه ايه اقول عليه بقى ايه ده كان زئب - 00:48:31

كان مخادع وما كاير ينفع يتقال كده على موسى الاشعري؟ احنا كنا بنعتقد كده وكأنوا بيقولوا لنا كده في الكتب لما نطلع جيل فاهم كده كارسة كبيرة يطلع جيل يصب ومعاویة ما يعرفش هو طلع ولا اللي استقبله انت بتتنزز الناس. يبقى انا بحمي نفسي وبحمي المجتمع من هذه المخاطر - 00:48:41

مخاطر الجبر الجبر الناس بتعتقد ان هي مجبورة وده بيظهر في كلامهم. واحد يقول لك اما ربنا يهديني ابقى كويس. نعمل ايه؟ هو ربنا اللي عمل فينا كده. عقيدة دي عقيدة - 00:49:00

فردوس اسمها عقيدة الجبر الناس مجبورة على ما على ايه على ما تفعل وبالتالي هو ما لو ش زنب يا عيني المفروض بقى ربنا دخلني الجنۃ انا ما لي انا انا وحش ولا حلول مش هو ربنا اللي - 00:49:10

الاعراض كده. هم نمرة سبعتاشر تقوية القلب. العقيدة تقوی القلب. لانك حين تعتقد اعتقاد قوي تعتقد ان ان الضر والنفع ليس بيد احد. فلا تخاف من الشياطين الا تخافوهم انما زالكم الشيطان يخوف ايه؟ اولياءه. مين اولياؤه؟ اللي ما عندهمش عقيدة سليمة. فلا تخافوهم يا اصحاب العقيدة السليمة وخافونی - 00:49:20

كتنم مؤمنين. تمام؟ مش هتخاف من مقبور. اووعي اووعي تتكلم عن سيدنا كده. ده يشكل في اقول له عليك. والله بص مش هتروج. عارف الورقة دي لو ما وزعهاش على خمسة وعشرين واحد؟ ده هو فيه واحد ما وزعهاش - 00:49:50

هو فيه واحد وزعت غنى جدا هو فيه واحد ما وزعهاش بتولع ايه الهيل ده! مين اللي يعرفني الكلام ده متخلف العقيدة؟ لو انا بعتقد اعتقاد الكلام ده تخلف ليه؟ ده رجم بالغيب. ده قول على الله بغير علم. ده ايجاب ما لم يجبه الشرع. ده من ام الشيخ احمد شاف النبي في المنام - 00:50:10

ما يلزمنيش انام يتغطى كويس. انا ما لي انا بالقصة ديت. مين اللي يخاف من الورقة دي؟ واحد عقیدته ايه؟ هشة عارف اه الحق صور اجر ووزع وخايف. مين اللي مين اللي جامد؟ صاحب العقيدة السليمة. يجيبيوا لك الورقة يقول لك يا عم الشيخ ايه رأيك في الورقة دي؟ تقول له - 00:50:32

ليه بس؟ يا ابني ما فيهاش حاجة يا ابني. بجد يا شيخ ما فيهاش حاجة مين اللي انقذ الناس؟ صاحب العقيدة ليه بيقى انا مش هخاف من السحرة وما هم بضارين بهم لاحدا بازن الله. اتعلم عقيدة. هم. نمرة تمنتasher - 00:50:52

طبعا دي مسألة طويلة لكن اذكر منها طرف صغير وهي اصلاح السلوك. من تعلم العقيدة السليمة صحيح لك السلوك. انا لما اتعلم الایمان بالاليوم الاخر كويس عظم اليوم بالاليوم الاخر. تاني من كان يؤمن بالله والاليوم الاخر فليقل خيرا او ليصمت. الحاجات دي هتفرق معى. ربنا جل وعلا ربط بين السلوك دائمًا والعقيدة. ارأيت الذي - 00:51:12

يكذب الدين كذلك الذي يدعوا اليتيم ولا يحضر على طعام المسكين. قال ويل للمطففين الذين اذا اكتالوا على الناس يصطفون ازا كالهم ازنهم يخسرون الا يظن اولئك انهم مبعوثون ليوم - 00:51:34

من عزييم يوم يقوم الناس لرب العالمين. مش كده؟ ما العقيدة تصح السلوك. نمرة سبعتاشر معرفة الله هي جنة الدنيا كما قال ابن تيمية من لم يدخلها لم يدخل جنة الآخرة. نمرة عشرين معرفة العقيدة - 00:51:45

تجيب لي عن كل الاسئلة التي تحير البشرية الان. من اين جئنا ولماذا جئنا اين المصير؟ ولماذا يوجد شر في العالم ولماذا لا يوجد لماذا ليس كل خير؟ ولماذا الناس تختلف - 00:52:05

ولماذا كذا؟ ولماذا كذا؟ وهل يوجد غيب؟ وهل يوجد عالم اخر غير البشر وننكرن هل هناك ملائكة؟ ما صفاتهم؟ ما احوالهم؟ ما الذي سيحصل لنا؟ هل سنبعس؟ واذا سنبعس ما الذي سيحصل؟ واذا لم نبعس فهل يستوي الظالم مع المظلوم؟ كل الاجابات دي في ناس

اتجنت عشان توصل للاجابات ديت اتجننا - 00:52:26

لان هم ضلوا الطريق. وانت ببساطة جدا حاجات بدئية بالنسبة لك. انت مش حاسس يعني ايه العقيدة؟ العقيدة دي قدمت لك ايه؟
قدمت لك ان انت انسان عندك اجابة لكل شيء. ممكن السؤال اللي انت الانسان العادي المسلم الفقير اللي ماشي في الشارع ده اللي ما
بيفهمش يعني فهمه بسيط مستريح وممكن عالم - 00:52:52

مرة اتجن بسبب ان هو مش عارف الاجابة على السؤال دوت. لانه اخطأ الطريق. العقيدة الاسلامية فقط هي التي تجيبك اجابة
صحيحة تناسب الفطرة بتاعتكم على هذه الاسئلة الشائكة الحائرة وبالتالي يعيش المسلم لا يتبخبط لا يبحث عن دين اخر لان هو
حاسس ان الاجابات دي ريحته على الاخر وهي دي اللي متتسقة مع العقل متتسقة مع - 00:53:12

مع الفطرة وبالتالي يتعلم الایه؟ العقيدة. يبقى دول عشرين سبب لتعلم اه لما زا نتعلم العقيدة؟ العقيدة. طبعا العقيدة انما ستدور حول
الاركان السنت. وهي الایمان بالله واليوم الآخر الملائكة والكتب. والرسل واليوم الآخر والقدر خيره وشره. ثم ستنطرق الى مسائل
الایمان - 00:53:32

الكفر من هو المؤمن ومن هو الكافر؟ وستنطرق الى العقيدة في الصحابة الكرام رضي الله عنهم وارضاهم وقلنا ان مصادر الطلق
عندها هي القرآن السنة آآ آآ فهم الصحابة الكرام وما اجمع عليه المسلمين. آآ ولابد ان نشير في النهاية الى ان هذه العقيدة -

00:53:52

هي خلاصة يعني ان هذه العقيدة ليست عقيدة محمد عليه الصلاة والسلام فقط. انما هذه العقيدة هي عقيدة ادم ابن ادم الى محمد
عليه الصلاة والسلام. هذه عقيدتهم في الله جل وعلا. لان العقيدة لا تتتطور. لا تتبدل. انما - 00:54:12

عقيدة واحدة فعقيدة ادم هي عقيدة نوح هي عقيدة محمد عليه الصلاة والسلام. هذا ينبغي ان ان نفهمه جيدا ان
انت مش بتدرس عقيدة المسلمين اللي هم بعد محمد عليه الصلاة والسلام. انت تدرس عقيدة كل المسلمين على مدار التاريخ. ذلك -

00:54:32

ربنا بین ان هذه العقيدة هي عقيدة واحدة. قال ولقد بعثتنا في كل امة رسولا. هو كلام واحد ان اعبدوا الله واجتنبوا الایه الطاغوت.
تمام؟ شرع لكم من الدين ما وصى به نوح والذى اوحينا اليك وما وصينا به ابراهيم وموسى وعيسى ان اقيموا الدين ولا -

00:54:52

اتفرقوا فيه وما ارسلنا من قبلك من رسول الا نوحى اليه انه لا الله الاانا فاعبدون واسأل من ارسلنا من قبلك من من رسلنا اجعلنا من
دون الله الة يعبدون طبعا كل الكلام ده بيتكلم على العقيدة والا في اية تانية قالت لكل - 00:55:16

ان جعلنا منكم ايه؟ شرعة ومنهاجا. يعني العبادات الانبياء بيختلفوا فيها. لكن العقيدة ما بيختلفوش فيها. قول النبي عليه الصلاة
والسلام نحن اخوة لعلات. امهاتنا شتى وديننا واحد. يعني بيشبههم بايه؟ بيشبههم بايه؟ باخوات. بس الاب واحد. والاب ده
اتجوز كذا ايه؟ كذا واحدة. كل واحدة خلفت واحد - 00:55:36

هم اخوات من ناحية الایه؟ الاب والام ايه؟ مختلفة. فهو بيقول لي ان الاب ده هو العقيدة والام كل ام هي ايه؟ الشريعة. فاحنا
اخوات. ابونا واحد اللي هو العقيدة شرعننا نحن اخوة لعلات. امهاتنا - 00:56:01

شتى وديننا ايه؟ واحد. هذا ايه؟ يبقى الشرائع تختلف لكن العقيدة ما بتختلف. لذلك كلنبي سمي نفسه مسلم. قال قال قالت امرأة
ملكة بلقيس قالت رباني ظلمت نفسي وايه؟ واسلمت مع سليمان لله رب العالمين. قال موسى - 00:56:18

عليه السلام قال يا قومي ان كنتم امنتكم بالله فعليه توكلوا ان كنتم مسلمين. اليه كذلك؟ قال عيسى عليه السلام قال الحواريون
قالوا آآ قالوا اشهد باننا ايه؟ باننا مسلمون. قال يوسف عليه السلام توفيق مسلما والحقني بالصالحين. قال - 00:56:38

قال تعالى عن ابراهيم ولكن كان حنيفا مسلما وما كان من المشركين. كله كده. كل الانبياء كانوا مسلمين مسلمين يعني اصحاب عقيدة
زي عقيدة النبي عليه الصلاة والسلام. اما الشريعة فهي تختلف. لذلك قوله تعالى ان الدين عند الله الاسلام - 00:56:58
مش معنى ذلك الاسلام اللي هو اللي النبي عليه الصلاة والسلام جه به بس. لقى الاسلام اللي هو ايه؟ العقيدة. هي دي هو ده الدين عند

ربنا اللي من اول ادم الى محمد. هو ده - [00:57:18](#)
اللي ربنا كان راضيين. ما فيش دين جديد جه به النبي عليه الصلاة والسلام. شريعة جديدة ماشي. لكن دين جديد لا. انما جاء بنفسه عقيدة ادم. وهي دي العقيدة اللي ربنا ارتضاها من - [00:57:28](#)

الى محمد. فاحنا لما نتعلم العقيدة في كتاب اصول الايمان اعرفوا ان احنا نتعلم عقيدة ادم عليه السلام. نتعلم عقيدة هود نتعلم عقيدة يعقوب ونتعلم عقيدة عيسى ومحمد صلى الله عليهم اجمعين وسلم تسليما كثيرا. ان شاء الله الاثنين القادم نبدأ بازن الله في دراسة العقيدة. جزاكم الله خيرا سبحانه الله وبحمدك اشهد ان لا - [00:57:38](#) - [00:57:58](#)